

四庫全書

集部

欽定四庫全書

文苑英華卷六百四十五 宋 李昉等 編

檄文

此卷英華所編夫
年代先後今正之

為彭城王檄征鎮文

為太祖檄齊神武高歡文

為東魏檄梁文

為行軍元帥鄭國公檄陳文

為北齊檄陳文

為侯莫陳悅檄陳蕭摩訶文

隋檄陳尚書江總文

為彭城王檄征鎮文

孔熙先

令弟休先作

揚州刺史徐湛之告四方王公守宰夫休否相乘天道

無常

一作道無恒泰

狂狡肆逆明哲是殛故小白有一匡之勲

重耳有翼戴之德自景平肇始皇室多故大行皇帝天

誕英姿聰明睿武

一作哲

拔自藩國嗣位統天憂勞萬幾

秉

一作垂

心庶務是以邦內安逸

英華作邦家安危恐非

四海同風

而頃一作比

年已來姦豎亂政刑法違衷

一作刑罰乖淫陰陽乖

一作連

舛致使釁起蕭牆飛禍卒集

一作危禍萃集

賊臣趙伯符

積怨含毒遂縱兇醜

一作姦兇

肆兵犯蹕禍流儲貳

一作率

崇

樹非所

一作類

傾墜皇基罪百浞豷過千元莽開闢以來

未聞斯比率土叩心華夷泣血咸懷亡身之誠同思糜

軀之報湛之畢與行中領軍蕭思話行護軍將軍臧質

行左衛將軍孔熙先建威將軍孔休先忠貫白日誠期

一行著

幽顯義痛其心事傷其目投金奮戈萬殞莫顧即

日斬伯符首及其黨與雖豺狼即戮惟新告始

一作王道惟新

而普天無統

一作主

羣蒙靡係

一作莫纒

彭城王體自高祖明

明

一作聖明

在躬德格天地勲溢區宇世路威夷勿用南服

龍潛鳳棲于茲六稔蒼生饑德億兆渴化豈惟東征有

鳴鴉之歌陝西有勿剪之歎

一作思

而已哉靈祇告徵祥

之應讖記表帝王

一作者

之符上愜

一作答

天心下合人望

一作愜民望下

正位辰極非王而誰今遣行護軍將軍滅質等

齋皇帝璽綬星馳奉迎百官備禮絡繹繼進並命羣師

鎮戍常若干撓義徒有犯無貸昔年使反湛之奉賜手
勅逆誠禍亂預覩期萌令宣示朝賢共拯危溺若無斷
謀事失於後機遂使聖躬濫酷大變奄集哀恨崩裂撫
心摧梗不知何地可以厝身輒督勵廷頓死而後已

一作

皆宋書
范畢傳

英華錄謀逆之檄未詳

為周太祖檄齊神武高歡文

西魏永
熙三年

蓋聞陰陽遞用盛衰相襲苟當百六無聞

周書作
無間

三五

皇家創歷陶鑄蒼生保安四海仁育萬物運距孝昌屯

沴屢起隴冀搔

北史作騷

動燕河狼顧雖靈命重啓蕩定有

期而乘釁之徒因生羽翼賊臣高歡器識庸下出自興

皂罕聞禮義直以一介鷹犬効力戎行覲冒恩私遂竊

北史作皆

榮寵不能竭誠盡節專挾姦回乃勸爾朱榮行茲

篡逆及榮以專政伏誅世隆以兇黨外叛

英華作世濟凶黨非

歡

苦相敦勉令取京師又歡吐萬兒復為弑虐

英華作傷殺暴虐

暫立建明以令天下假推普夫欲竊威權並歸廢斥俱

見酷害於是禡兵河北假討爾朱亟通表奏云取讒賊

周書
作敗

既行廢黜遂將篡弒以人望未改恐鼎鑊交及乃

求宗室權允人心天方與魏必將有主翊戴聖明誠非
歡力而歡阻兵安忍自以為功廣布腹心跨州連郡端
揆禁闈莫非親黨皆行貪虐竄竄生靈而舊將名臣正
人直士橫生瘡痍動挂網羅故武衛將軍伊琳清貞剛
毅北史作貞
直武毅禁旅攸屬直閤將軍鮮于康仁忠亮驍傑
爪牙斯在歡收而殺之曾無聞奏司空高乾是其黨與

每相影響謀危社稷但以姦志未從恐先泄漏乃密白
朝廷使殺高乾方哭對其弟稱天子橫戮孫騰任祥歡
之心脅並使入居樞近伺國間隙知歡逆謀將發相繼
歸逆歡益加撫待亦無陳白然歡入洛之始本有姦謀
令親人蔡雋作牧河濟厚相思贍以為東道主人故關
西大都督清水公賀拔岳勳德隆重興亡攸寄歡好亂
樂禍深相忌毒乃與侯莫陳悅陰圖陷害幕府以受律
專征便即討戮歡知逆狀已露稍懷旅拒遂遣蔡雋拒

代令竇泰佐之又遣侯景等云向白馬輔世珍等徑取

石濟高隆之及婁招等屯據壺關韓軌之徒擁衆蒲坂

於是上書天子數論得失訾毀乘輿威武

疑作侮

朝廷藉

此微庸冀茲大寶溪壑可盈禍心不測或言徑赴荆楚

開疆於外或言分詣伊洛取彼讒人或言欲來入關與

幕府決戰今聖明御運天下清與百僚師師四隩來暨

人盡忠良誰為君側而敢威福自己生是亂階緝搆南

箕指鹿為馬包藏兇逆伺我神器是而可忍孰不可容

幕府折衝宇宙親當受脈銳師百萬穀騎千羣裹糧坐
甲唯敵是俟義之所在糜軀匪怯頻有詔書頒告天下
稱歡逆亂徵兵致伐今便分命將帥應機進討或趣其

要害或襲其窟穴

周書
作宅

電繞地擊霧合星羅而歡違負

天地被毒人鬼乘此掃蕩易同俯拾歡若渡河稍逼宗

北史
作宮

廟則分命諸將直取并州幕府躬自東轅電赴伊

洛若固其巢穴未敢發動亦命羣帥百道俱前轅裂賊
臣以謝天下其州鎮郡縣率土人黎或州鄉冠冕或功

勳此史作勳庸

世濟並宜捨逆歸順立効軍門封賞之科已

別有格凡百君子可不勉旃

周書作歟北史作哉

時濟神武稍逼京師魏帝遂入關周太祖乃奉魏帝都長安披草萊立朝廷軍國之政咸取決于太祖

此篇英華所載甚略今以周書北史增入

為東魏檄梁文

杜弼

藝文類聚作魏狀

觀夫辰象麗天山岳鎮地方以類聚物以羣分建之以

邦國樹之以君長日月于是莫二

一作貳

宇宙

一作皇帝所以

揔一雖五運相推百王革命此道之

一作所

行孰之能改

一作孰云能易

而皇家承統光配彼天義洽幽明化周動植崇

文德以來遠脩禮讓以止訟舞干戚於兩階執玉帛於

萬國玄功潛運至德旁通百姓日用而不知兆民受賜

而無迹唯彼吳越獨阻聲教匪民之咎責有由焉而元

首懷止戈之心上宰薄兵車之會遂解繫南冠喻以好

睦舟車遵沂川陸光華亭徽息奔走之勞屯戍無逼卒

之變雖嘉謨長筭爰自我始而罷兵息民彼獲其利侯

景豎子本無事

一作土

業乃枉道於人間遂乾沒於世上

鳴伏於爾朱之門鎮守於普泰之日曾無為主之識詎
有挈瓶之智既而投命義旗歸身幕府殊異雍齒有類
丁公時逢寬政得免大戮棄其瑕滓收其力用預在行
伍叅跡驅馳及秦隴逋誅每事經略以河南是空虛之
地漢陽非兵戰之衝薄存犄角聊示旗鼓豈資實効寄
以遊聲軍機催勒蓋維景任揔兵統旅則有司存而愚
褊有積驕憤遂甚屢犯軍紀自生疑貳禍心潛搆翻成
亂階負恩棄德罔恤天討不義不昵厚而必顛委慈母

似脫屣棄寵弟如遺芥龍鍾稚子痛苦成行嬖彼諸姬
破亡為伍滅伯春之婉轉慕姜兒之爽言不與狼虎同
仁而共豺狸等惡及遠託關隴依憑姦異逆主定君臣
之分賊臣結兄弟之親解其倒懸仰人鼻息一日無恩
終成難養俄而易慮躬擐干戈釁暴惡盈側首無託以
金陵通逃之藪江南統御一作流離之地甘辭卑體進孰圖
身讒言浮說抑可知矣叛豎投命豈將擇音而偽朝大
小幸灾忘義主荒于上臣蔽于下逐雀去草曾不是圖

竊寶叛邑椒蘭比好人而無禮其能國乎亦既失信不
亡何待今帝道休明皇猷允塞四民樂業百靈効祉故
丞相材標國貞道潤時雨義冠伊霍勳蓋桓文大君立
德世功世祿作民舟楫為國棟梁內外齊心上下同德
蛟騰虎嘯風生雲起摩日則車懸轉舍排山則龍門洞
開吞雲夢於胷中運天下於掌內雖有賊臣去國亡卒
出境何異一毛之落牛體雙鳧之飛海曲一作濱彼既連
結姦惡斷絕隣好追兵保境縱盜侵國蓋物無定方事

無常勢或乘利而受害或因得而更失是以吳侵齊境
遂致勾踐之師趙納韓地終有長平之役矧乃鞭撻疲
民侵軼徐部築壘擁川捨信邀利此而可忍孰不可懷
是以援乘麾殞之將投石拔距之士深衛偽主信納亡
叛含怒作色如赴私讐意存涉血義不旋踵攻戰之利
實若有神徵兵聚衆依山傍水舉螳螂之斧被結蠅之
甲當窮轍以待輪坐積薪而候燎及其鋒刃輓援埃塵
且接便已亡戟棄戈土崩瓦解貞陽以從一作猶子之親

為戎首之任非獨

一作但

力屈道窮亦將無路還蜀兼亦

復一作

挾子垂翅俱在籠樊將士以昧禍之心為助亂之

事皆掬指舟中披甲鼓下同宗異姓纍纍相望曲直既殊強弱不等父出子孤自取其敗違卜復諫何以辭責雖復貪利苟得背同即異獲一人而失一國見黃雀而忘深井食鈎吻以療饑飲鴆毒以救渴智者所不為仁者所不向誠既往之難迹猶將來之可追景以鄙俚之夫遭風雲之會位登三事邑啓萬家揣身量分久當止

足而周章向背離披不已夫豈徒然意亦可見彼乃示之以利器誨之以慢藏使其勢得容姦令其時堪乘便既南風不競天亡老賊奸謀將復作矣然則摧堅强者難為功拉枯朽者易為力計其雖非孫吳猛將燕趙精兵猶是久涉行陣曾習軍旅豈同輕剽之師不比扼腕之衆距一作拒此則作氣不足攻彼則為勢有餘恐尾大於身踵麤於股倔強不掉狼戾難馴呼之則反速而覺小不徵一作懲則叛遲而禍大會應遙望廷尉不宥為臣

自據淮南亦欲稱帝但恐楚國亡猿禍延林木城門失

火殃及池魚橫使漢江

一作江黃

士子荆揚人物死亡矢石

之下支

一作天

折霧露之中彼梁王操行無聞輕險有素

工用其短以少為多反覆山淵顛倒冠履射爵論功盪

舟稱力年既老矣耄又及之政荒民流禮崩樂壞改換

朝章變易官品雖世異漢朝而事同新室加以用捨乖

方立廢失所矯情動衆飾智驚愚毒蟲滿懷安敢試業

躁競盈貫茸謬治情內恣鳴靡外逞殘賊人人厭苦家

家思亂災異降於上怨讟興於下履霜有漸堅冰且至

恃浮

一作將陰

躁之風俗任輕薄之子孫明黨路開兵權在

外必將禍生骨肉難起腹心強弩衝城長戟拍闕徒探

雀鷖無救府藏之虛空伺

一作請

熊蹯詎延畧刻之命外

崩中潰今實其時鷓蚌相危

一作扼

我乘其弊方使高旗

舒旆長轂啟行迅騎追風精甲耀日四七並列百萬為

羣風飄雲動星羅海運以此赴敵何敵不摧以此攻城

何城不陷猶為岸上之虎當作水中之龍以轉石之形

為破竹之勢將使鍾山渡江青蓋入洛荆棘生建業之

宮麋鹿遊姑蘇之館但恐兵

一作革

車之所轡轢劍騎之

所蹈踐祀

一作椅

梓於焉傾折竹箭以此摧殘若吳之王

孫蜀之公子順時以動見機而作面縛銜壁肉袒牽羊

歸款軍門委命下吏當使焚櫬而出拂席相待必以楚

材將為晉用固乃喜得異度實自利獲士衡士龍即援

客卿之族將加驃騎之號斯蓋壯士封侯之日丈夫立

節之秋冬冰可折時不再來先事預懷有如皎日王侯

無種工拙在人凡百君子勉求多福若不改迷坐待淪
沒一旦暴骨草莽流血成川猶且不悟噬臍何及故宣
往意馳此簡書檄之到彼咸共申省

此檄與藝文類聚資治通鑑所載並同惟魏書島
夷蕭竹傳文既諄復先後亦異今併錄之其僅同
者白字是也

夫乾坤交泰明聖興作有冥運行之力俱盡變化之途
抱識含靈融然並至呈形賦命混而同往所以玄功潛

運至德旁通百姓日用而不知萬國受賜而無迹豈徒
鑿其耳目易其心慮悟以風雲一其文軌使夫日月之
照不私雨露之施均洽運諸仁壽之域納於福祿之林
自晉政多僻金行淪蕩中原作戰鬪之場生民為鳥獸
之餌則我皇魏握玄帝之圖納水靈之祉駕雲車而自
北策龍御以圖南政符上帝援溺下土恠物殛死淫水
不作運神器於顧盼定寶命於踟蹰恢之以武功振之
以文德宇內反可封之俗圓首識堯舜之心沙海荒忽

之外瀚漠羈縻之表方志所不傳荒經所不綴莫不繩
谷鈞山依風託水共仰中國之聖同欣大道之行唯夫
三吳百越獨阻聲教匪民之咎責有由焉自偽晉之後
劉蕭作慝僭擅一隅號令自己惟我祖宗馭宇愛民重
戰未極謀臣之畫不窮節將之兵聊遣行人降以尺一
圓臺已築黃屋輒去賜其几杖置之度外蕭衍輕險有
素士操茂聞睥睨君親自少而長好亂樂禍惡直醜正
巧用其短以少為多眩惑愚淺大言以驚俗驅扇邪僻

召兵以作威武，曲體脅肩，搖唇鼓舌，候當朝之顧，指邀在位之餘論，遂汙辱冠帶，偷竊藩維，及寶卷昏狂，下不堪命，曾無北面有犯之節，遽滅人倫，在三之禮，憑妖假恠，鬼語神言，稱兵指闕，傾朝鳩主，陵虐孤寡，聾愚士民，天不悔禍，姦醜得志，內恣靡外，逞殘賊，驅羸國之兵，逼餬口之衆，南出五嶺，北防九江，屯戍不解，役無寧歲，死亡矢刃之下，天折露霧之中，哭泣者無已，傷痍者不絕，託身上忽下如草，遂使頑嚚子弟，肆行姦虐，狡猾羣

小縱極貪恠剝割蒼生肌肉略盡剗剔黔首骨髓俱罄
猛虎未方其害餓狼詎伴其禍慄慄周餘救死無地至
於矯情飾詐事非一緒毒螫滿懷妄敦戒業躁競盈胸
謬治清靜至乃大興寺塔廣繕臺堂昭陽倒景垂珠銜
壁崢嶸刻削千門萬戶鞭撻疲民盡其筋骨延壤運石
悲歌掩途死而可祈甘同仙化智淺謀疎曾不自揆過
桐柏之流翻為已害子亡齊之肩忽為戎首書契迄茲
罕聞其事至於廢捐冢嫡崇樹愚子朋黨路開彼我側

目疾視扼腕十室而九翹足有待良亦多人二紀於茲
王家多故始則車馳之警終有驚墜之哀神祇痛憤寓
縣崩震於是故相國齊獻武高王感天壤之慘躓激雲
雷以慨然伏高義而率民奮大節以成務爰有匡國定
霸之圖非直討賊雪耻之舉於是睿略紛紜靈武冠世
盪滌逋孽尊主康邦皇上秉歷受圖天臨日鏡道隨玄
運德與神行既而元首懷舞戚之風上宰薄兵車之會
遂解繁南冠喻以好睦舟車遵溯川陸光華亭徼相望

欣然自泰反肉還童不待羊陸雖嘉謀長筭爰自我始
罷戰息民兩獲其泰王者之信明如四時豈或為人君
父二三其德書而不法可不惜哉侯景一介役夫出自
凡賤身名淪敝無或可紀直以趨馳便習見愛爾朱小
人叨竊遂忝名位及中興之際義旗四指元惡不赦實
在羣胡景荷人成拔藉其股肱主人有丹頸之期所天
陷族滅之釁雖不能蔽捍左右以命酬恩猶當慘顏後
至義形於色而趣利改圖速如覆手投身麾下甘為僕

隸獻武王側棄其瑕穢錄其小誠得廁五命之末預在一隊之後忝跡驅馳庶其來効長鞭利鍛術以制之既關隴逋誅每事經略以河南虛空之地非兵戰之衝薄存犄角聊示旗鼓豈資實効寄以遊聲軍機催勒蓋惟景任摠兵統旅則有司存而愚褊有積憍悞遂甚犯違軍紀仍自猜貳禍心潛構翻為亂階負恩棄德罔恤天討不義不昵厚而必顛委慈母如脫屣棄少弟如遺土羣子陸陸妻姪成行慕姜兒之典言蔑伯春之宛轉跳

梁猖獗夫欲誰欺比之梟獍異類同醜欲擬蛇鼠顧非
其倫及遠託關右委命寇逆寶炬定君臣之分黑獺結
兄弟之親授以名器之尊救其重圍之死憑人繫援假
人鼻息俄而忘恩背惠親尋干戈釁暴惡盈側首無託
以金陵逋逃之藪江南流禦之地甘辭卑體進熟圖身
詭言浮說抑可知矣叛豎救命豈將擇音偽朝大小幸
災忘義主耄於上臣蔽於下逐雀去草曾不是圖竊寶
叛邑椒蘭比好人而無禮其能國乎夫安危有大勢成

敗有恒兆不假離朱之目不藉子野之聽聊陳刺心之
說且吐代謀之言今帝道休明皇猷允塞四民樂業百
靈効祉雖上相云亡而伊陟繼事秉文經武虎視龍驤
驅日下之俊雄收一世之英銳擊刺猶雷電合戰如風
雨控弦躍馬固敵是求蠕蠕昔遭離亂輻分瓦裂匹馬
孤征告困於我國家深敦隣附愍其入懷盡憂人之禮
極繼絕之義保衛出於故地資給惟其多少存其已亡
之業成其莫大之基深仁厚德鏤其骨髓引領思報義

如手足吐谷渾深執忠孝膠漆不渝萬里仰德奏疑屬
路並申以婚好行禮如歸蠕蠕境斜界黃河望通幽夏
飛雪千里層冰洞積北風轉勁實筋角之時沍寒方猛
正羶裘之利吐谷渾疾彼凶逆強兵歲舉傾河及鄯塵
通隴峽驅龍池之種藉常勝之氣二方候隙企其移踵
加以獨孤如願擁衆秦中治兵劫憎黑獺北備西擬內
營腹心救首救尾疲於奔命豈暇稱兵東指出師函谷
且秋風揚塵國有恒防關河形勝之際山川襟帶之所

猛將精兵基峙岳立又寶炬河陰之北黑獺却

北史作
芒魏書

作

山之走衆無一旅僅以身歸就其不顧根本輕懷進

趣斯則一勞永逸天贊我也言之旦旦日月經天舉世

所知義非徒語持此量之理有可見則侯景遊辭莫非

虛誕夫景繩樞席牖之子阡陌鄙俚之夫遭風塵之會

逢馳騫之日遂位在三吏邑啓千社揣身量分久當止

足而乃周章去就離跂不已夫豈徒爾事可折揚度其

衆叛親離守死不暇乃聞將棄懸瓠遠赴彭城老賊姦

謀復將作矣固揚聲赴助計在圖襲吞淵明之衆招厭
虐之民舉長淮以為斷仍鴟張歲月南面假名死而後
已此蓋蜂鷁之禍我承其弊且偽主昏悖不惟善隣賊
忍之心老而彌篤納逋叛之詭譎蔑信義以猖狂天喪
其神人重其怨將踐瓜圃之蹤且追兒侯之轍今徵發
犬羊侵軼徐部築壘擁川覬覦小利此而可忍孰不可
懷兵凶戰危出不得已謬奉朝規肅茲九伐扛鼎拔樹
之衆超乘投石之旅練甲爭途波聚霧合虎斑龍文之

逸蘭池蒲梢之馭噓天陸野躡影追風振旅南轅長驅
討賊非直三吳鼠面一麾魚駭乘此而往青蓋將歸且
行虐網蚩兵權在外持險躁之風俗兼輕薄之子孫蕭
綸克狡之魁豈無商臣之恨蕭譽失志之憤當召專諸
之客外崩中潰今也其時幕府師行以禮兵動以義弔
民伐罪理有存焉其有知機審變翻然鵲起立功立事
去危就安賞典未忘事必加等若軍威所至敢有拒違
尺兇已上咸從臬戮今三禮四義之將豹虎熊羆之士

深銜逋偽信納叛亡違卜愎諫實興伐役莫不含怒作
色如赴私讐茹肝涉血義不旋踵攻戰之日事若有神
莽積麻亂匪旦伊夕以彼曲師危卒望我軍鋒何異蝘
蛭被甲螂蛆舉尾正恐旗鼓一接芝藿俱摧先事喻懷
備知翰墨王侯無種禍福由人斯蓋丈夫肉食之秋壯
士封侯之會冬冰可折時不再來凡百君子勉求多福
檄之所到咸共申省知我國行師之意

為行軍元帥鄖國公韋孝寬檄陳文

周宣帝大
象元年

偽陳私署公卿將校州鎮郡縣村屯邑落蓋聞五精上
列曜魄揔其威靈萬國下分皇王攝其區域至其創業
垂統革命受終奄有神州光宅函夏莫不垂極襲聖積
德累仁播厚利於人民建大功於天地然後幽明贊叶
兆庶歸往瑞之以龍圖鳳紀崇之以玉璽黃屋故能照
臨九縣對越兩儀永保鴻名長為稱首未有蠻陬夷落
裔土荒隅崛起阡陌之中妄竊帝王之號斯則僭越之
首縣一作懸同於漢闕亡吳之主會於晉臣布在方冊可以

龜鏡者也我太祖文武皇帝自天攸縱膺運挺生屈道
藩條或躍伊始屬玄運將改祿去王室三川已震九鼎
將飛事功在泥祿疑作禍深流焘乃推誠仗義援手濡足
迎衛乘輿崇建旒社舉天維於將墜振一作正地軸於已

傾血氣食毛咸受其賜是則我有大造於區夏也重以
闢土服遠包荆卷蜀功高於九合業重於三分愈執忠
貞之操終以人臣之禮至哉大矣無得稱焉既而謳歌
允屬金石變響神器大寶用集我有周我閔皇帝乃上

膺靈命俯順樂推揖讓而登皇極垂衣而歸撫運世宗
績統克隆洪緒武功文德騰茂飛英我高祖武皇帝以
上聖降下武以至道弘丕業其寂也象繫不能究其微
其動也雷霆不能比其變偽齊竊據中原綿歷世祀一作
紀帶之以巨海長淮鎮之以峻岱崇岳其地廣其民衆
其俗富其兵強而帝逸明德人思睿后金鉞一麾廓然
大定申弔伐之義答億兆之心陟方之駕雖遠鼎湖之
神未絕天元皇帝負四聖之休烈協千載之昌期懸金

鏡振玉鼓宏天網廣地絡東窮海外西極河源邛管夜
郎之所冒頓呼韓之類莫不屈膝稽顙泛水梯山被華
夏之仁風仰中國之聖道唯彼揚越獨為匪民敢芮魚
鳥之郡晏安龜蛇之穴故偽魁陳霸先火耕水耨之夫
葦門圭竇之子無行檢於鄉曲充部隸於藩侯施彼呼
船之伎展其盜裘之用值蕭氏喪亂金陵擾攘爛羊啓
邑拔卒為將遂得洗濯江漢奮迅泥滓王僧辯秉文經
武挹義懷仁志在鷹揚誠深鶴立掃江表之巨寇復梁

室之宗社提挈霸先成其羽翼而背恩忘德毀器折枝
密相掩襲怒加屠害節士為之扼腕名臣所以流涕蕭
方智世有江外實主梁祀霸先義則臣民任惟輔佐御
下暴於戾虎輕上踰於老年

疑作牛
見左傳

包此禍心遽行篡

弑遂令羣盜歟起宮闈窘逼梁棟之間顛死

一作
斃

鋒鏑

之下既甚南宮絕宋公之脰又過淖齒縮齊閔之筋自
古逆子亂臣窮兇極悖未有如斯者昌實霸嗣舊加篡
戮殘虐相襲報復循環陳項獲自儲宮我之俘隸先朝

深弘寬宥免其釁鼓置之夷邨淹歷歲時芻豢費上林
之牧廩卹索長安之米其兄舊發常山之念屢致誠請
國務狐首之感以禮遣送項稟性克詈不義不眈害厥
猶子僭其偽位朝廷遠撫長駕含垢匿瑕遍省不虧輜
軒繼路東夏克平威震淮海乘勝席卷咸請南轅高祖
以得原失信義有不取一作敢懷遠宇小理存久而違
盟背惠忽從茲始搖蕩我邊陲侵軼我彭泗我是以有
呂梁之役麾下裴忌程文秀之輩李緒蔣元舉之徒束

手軍前不可勝計積甲等孤桐之岫溺卒斷浮聲之流
項長惡愈甚守迷不變據如掌之地延翹足之項猶怒
臂當轍舉尾支山習黃旗之謬談志青蓋之妖說貫盈
數盡今實其時加庚子應年金火入斗天道人事宛若
合符混一之期昭然可見寡人不武董茲戎律內稟惟
幄出制天淵部勒諸將雷奔電擊大將軍龍門公拓拔
王述領巴蜀之兵一十二萬出於白帝水陸俱下大將
軍安昌公拓拔則領驍騎五萬濟於南岨循江東轉梁

王舉一國之師盡舳艫之盛發自江陵首尾不絕行軍
揔管上柱國杞國公亮率步騎一十五萬掃蕩山林自
東闕行軍揔管上柱國邠國公士彥領人馬一十萬濟
自泗口徑取廣陵幕府精銳二十萬餘長驅淮水直指
江左並同集石首大會金陵凡此諸軍皆從汧隴驍雄
幽并勇俠捩犀拔象之夫斬蛟挈兕之士上谷漁陽之
騎追風嘯雲荆門鄧塞之舟浮江沿漢象弭飾堂谿之
材鷲羽加淇園之竹旌旗麾電戈劔竟野鼓怒則江湖

盪沸叱咤則山嶽簸跳以此攻城何城不陷以此衆戰
誰能抗禦將恐程門賈霜梧桐與檟櫟同涸崑山火燎
天球共瓊玖俱盡故示以禍福冀相全濟陳頊若識機
知變輿觀轅門當增安樂之封有加歸命之禮偽公卿
以下或中華之冠帶流寓江淮或東南之雋楚世載名
位豈安危亂之邦事夷裔之主良由身居偽網迹淪寇
地雖心存魏闕無由自拔故耳今正丈夫轉禍一作福之
秋君子見機之日若能投誠進款展効立功富貴榮華

義同俯拾如有不達機運敢拒王師軍有嚴科刑茲罔
赦檄之所到咸共申省

為北齊檄陳文

盧思道

告三江之表偽署君臣將帥州郡邑落士民等蓋聞上
玄垂象列宿拱辰極之忠厚載成形百谷指滄溟之大
是以三五以降括王元后遠覃聲教大輝威靈日月之
所照臨俱荷亭育舟車之所通泊咸附象鞮我大齊積
德累功開物成務光宅寰海覆幬蒸民虞夏受終顧有

慙德湯武革命未云盡善滄波已東九譯請吏玉門之
右萬里無塵諸華冠帶之俗肆勤南畝皮服引弓之渠
頓頽北闕內外禔福區宇懾然皇上垂拱巖廊司契而
已惟夫太伯之後實號勾吳少康之裔是為於越江界
湫洎如掌之陋塗泥所集瘴癘自興自昔皇王列壤班
瑞春秋之義爵不過子在晉永嘉運圯數極司馬熾衆
無一旅播越江濱劉蕭已還多歷世祀魏氏奄一神州
置之度外且西吞巴蜀北據淮淝善人君子可以為國

陳霸先下愚小醜品極輿隸屬揚部淪胥之日幸梁人
殲敗之秋騁其姦回妄自尊大蠻觸之戰爭似鮑鮒之
跳躍曇頊昏頑賊忍不義不慈剽殿猶子竊其偽位蜂
蠆非毒谿壑易滿事甚楚圍之纓理切吳光之劍國小
地狹虐用其民坑戮侔於屠伯芟夷過於薙氏加以沉
迷麴蘖酣酗終朝澆灌取盡夜以繼晝貨賄公行政刑
不立踈棄良士狎近小人守宰蠶漁子弟荒暴頭會箕
歛杼軸其空災異相仍稻蟹不熟江左黎獻戴目而視

齊之季世實多涼德江淮之間整為項有便謂三卷易
求百年可致違卜復諫黷武窮兵吳明徹程文秀之徒
並早經行陣粗有風力彼朝上下繫以存立呂梁之役
貫盈惡稔曾未交綏雲卷霧徹組練塞垣舳舻噎水顧
眄之頃隻輪不歸及周宣馭歷將一淮海荆舒之民奢
侈為怨聊命偏裨拯其荼毒長江已北若火焚毛是則
楊越之地為陳孤立卒弊壤感邦羸政塞關乘奔無轡
譬茲非險坐薪待燃方此為秦司馬消難切疑荷持私

任居連率猜狂使酒竊地外犇曇項背恩棄德是信是
使引盜納姦無愧無畏天奪其魄憑犯不悛緣邊諸城
犬羊荐食聖主以軒開萬國屬盡九州一隅不庭宜置
天討爰詔六軍分閫受鉞西徵秦隴之銳北引燕代之
英五校雄兒超乘俱起三河猛士援距爭奮虎夫萬隊
豹騎千羣並骨勇肉飛風驤霧合憬彼江黃之衆邊矣
彭濮之民巨艦高艦順流東指江都壽春之域扼喉撫
背之兵飛龍赤馬絕水南越漢后昆明未足方其訓旅

魏王玄武不能比其隸師以江湖之泥短衣祝髮輕舸
利舸便習者多陳上迷天意下憑地險所以舉尾支山

怒臂當轅

一作轍

今荆門銳卒

一作士

致命前驅淮南義師

賈勇競入揚舲振楫疑兔走鳧飛然則彼之所長我亦
兼有我利涉大川匪旦伊夕江郢運遭吳會裔旅東西

過絕通致無由偽朝軍旅或陳誠款密使相尋最爾危
邦表裏携貳兼弱攻昧今也其時扛鼎蒙輪之卒事均

驅兕三禮四義之將晚

疑作佻

視韓白正正之旗百道俱

進並雲移雷動大會金陵牙旂暗

一作旗英

山原金鼓沸天

地呼吸則江漢迴流叱咤則衡疑可拔運岱山而壓春

卯引渤海而濯秋螢當不足等其銷滅譬其齏粉猥以

不武謬摠戎律上稟廟堂之謀下資素飽之氣使張悌

之魂先遊

一作逝

北斗呂嘉之級遠至新鄉漂櫓溺驂孱

然已至亂麻積莽可為寒心偽主若天誘其誠去危轉

禍審青蓋之欲歸知蔣山之應渡銜璧輿觀拜手轅門

則上比吳蜀之君不失公侯之寵陳之百辟卿士編戶

黔庶有能深識逆順因事立功亦當服冕乘軒紆青佩
紫疏爵酬庸待以不次王者之師全救為本萬姓毫釐
靡所侵軼勉求多福無待噬臍檄之所到咸共申省

此檄述吳明徹及司馬消難事以史考之明徹呂
梁之敗在周宣政元年先一年周已滅齊後二年
消難方奔陳又明年周禪隋開皇元年代陳文華
既題作北齊又文有我大齊之語未詳其誤今兩
齊字疑皆為隋當考

為侯莫陳悅檄陳蕭摩訶等文

魏永熙三年卒

後隋代陳以侯莫陳頴
為行軍總管悅當作頴

夫文軌未同江湖致阻風雲密邇良用依然肇歲猶寒
想如宜也經始戎務念以勞懷寡人肅稟天策爰征不
庭懸旌秣馬今次楓岸夫時有盛衰運有興滅積德必
慶延後嗣長惡則祚不及遠陳氏徃因際會竊有金陵
舊項承立遽相屠害叔寶嗣偽彌復忍虐沉酗日增內
荒愈甚雕牆峻宇加錦綉於土木嚴刑酷法陷人物於

塗炭諫士喪身元良鉗口無道之極自古罕聞有一於
此何可不滅斯皆公等所悉素匪寓言我皇誕膺靈命
光臨大寶再闢乾坤重懸日月歷代逋誅之寇曠古不
羈之民感我仁風咸沐至道唯彼吳越猶未革心主上
義存字小含以寬大冀能撫育彼民守其封域而窮克
極暴日就月將士庶無聊人神共憤乞師繼軌獻款相
尋愍彼黎元實與我役已有別詔止廢偽主之身此外
士民咸從蕩滌西自巫峽東達滄海巨艦覆波濤樓船

出雲霧瓜步六合當心腹之衝渚宮漢口據上遊之勢
曲江鎮揚據其要津鐵馬价夫千羣萬隊攘袂扼腕唯
所用之彼國兵士多少備見以寡御衆理在非敵救首
救尾將何以及况復士無鬪心人懷二志身雖擐甲情
在倒戈假使穰苴更生孫武猶在亦不能施其智略况
異昔日者乎往者呂梁之師一舉殲滅淮南之地二旬
悉平彼之將帥皆奔走之餘何可用也世疑公早涉戎
旅備經征行安危之勢如近目前得喪之機若觀掌內

以國家今日之盛偽主若猶可全為其展効容復可爾
江東難立有識同知陳氏必亡賢愚共見天之所廢誰
能興之既無所成徒自傾覆夫毒蛇螫手壯士斷腕豈
不惜其肌骨所存者大也公若轉禍為福因機立功翻
然奮飛共弘大業則江東士衆免於鋒刃之苦天下生
民欣然太平之世公當位極台鼎福延子孫爰及宗族
咸加榮寵豈與夫不識天命拒我王師舉死扶傷履涉
膏血同年共日而語哉斯皆肝膈至言成敗大理幸非

可惑宜早圖之

隋檄陳尚書江總等文

南北雖殊風雲在望載懷虛遲寤寐為勞獻歲猶寒比
當清豫匡贊乎國良亦懇懃寡人忝膺朝寄董律專征
跋涉山川今次江際公等文儒自立器用適時冠蓋二
世齒德兼重孔老殊教名墨異家金匱朱韜銀編玉策
莫不騰於舌杪散在筆端遠古成敗之機近代安危之
跡照同懸鏡明若觀火無待指南自應神悟猶恐思之

未審差以毫釐聊煩翰墨略申梗槩自穹昊生民樹之
司牧羲軒以降書契可紀咸一姓承立四海無兩帝漢
道云季三方鼎立時惟板蕩世匪休明塗炭起而蜀亡
典午興而吳滅永嘉喪亂紫宸曠主劉石苻姚之儔偽
夏僭燕之醜妄塵大寶事乖圖籙魏室乘時兆基朔野
經始嵩洛未暇江湖有周受命敵非齊氏務在兼并不
遑外略叢爾吳越自相君長竊擬王者之儀妄談天子
之氣偷安假息綿歷世祀我大隋之肇開寶祚光有神

州皇帝感曜魄之靈應太微之座千年啓聖萬代一時
深仁至德寧濟羣品越海窮河東漸西被旄頭之屬歷
代之霸作我臣民匍匐服裳唯彼江表獨隔皇風夫物
極則反否終斯泰郭璞有云年經三百天下大同茲實
玄運已定於前聖主膺期而出欲以區區之陳國違上
天之冥數其不可存者一也大必包小天地之常規明
能通暗日月之常理論道德以唐陶而征有苗語衆寡
舉海內而當羣小在長江舟楫之用矜其積習而山川

共有我據上游鼓棹之能吳楚不異高艫巨舫東西萬里扼喉撫背水陸千途彼之兵士不過十萬首尾分布所在危急加以屯戍邊方淹積歲序風雨以為櫛沐蟻虱生於甲冑望我寬仁恩倒戈戟通在戎行更成敵國守以時月則魚爛土崩接以鋒刃則鳥驚鹿走理在必然不假枚卜此不可存者二也豐侯好酒實喪厥邦梁伯役民潰其宗社彼之偽主覆車是襲日夜沉湎曾無節度繕造宮室莫知窮已竭四民之產荒縱其心斂百

姓之哀以為已樂寶衣玉食填積後宮短褐麤饘不充
編戶一芥之善蔑爾無聞五子之歌宛然悉備雖欲勿
喪其可得乎此不可存者三也偽主忌能護短酷法淫
刑骨鯁之臣盡見踈斥諫諍之士皆被屠害遐邇結舌
衣冠解體人妖鬼恠觸類呈災稚齒耆年咸知殘滅此
不可存者四也以此小邦攝於大國邊烽夜動照彼都
城戍鼓晨嚴震其宮殿累基十二方此未危懸縷千鈞
比斯非切而莫知憂恐更自驕矜曾無事大之心專行

犯上之志侵軼我邊鄙招納我叛亡國家爰自受命每
從含養敦以隣睦申其聘好冀能守彼宗祊靜其疆域
而長惡益甚縱毒彌深吳會雄稜之人湘郢耿介之士
乞師請命盈庭滿闕帝乃憫然矜彼黎獻授鉞推轂弔
民伐罪已有別詔唯廢偽主之身自餘士庶普從肆赦
向所陳說咸是格言非曰游談共相欺誤且劉叔疑納
譙周之計而獲存孫皓用薛瑩之詞而致福此二子者
終有良臣之譽皆無陷君之譏何則所耻者小所存者

大若憲章往彥聿遵前軌則為主享封侯之業祖禰延
血食之期江東士民實受其賜公等身保榮貴名垂竹
帛豈不羨歟若膠柱不移守迷莫變率其蟻衆一作聚敢
拒王師軍有常刑悔無及矣禍成俄頃宜早圖之使人
今還遲有委曲言不盡意豈復多云楊廣白

文苑英華卷六百四十五

欽定四庫全書

集部

文苑英華卷六百四十六
七

詳校官給事中臣李臺

助教臣常循覆勘

總校官進士臣朱鈺

校對官中書臣王瓚

謄錄貢生臣湯安泰

欽定四庫全書

文苑英華卷六百四十六

宋 李昉等 編

檄二

為李密檄洛州文

為李密檄竇建德文

為竇建德檄秦王文

為李密檄滎陽守邴王慶文

代徐敬業傳檄天下文

為濮陽公檄劉稹文

為李密檄洛州文

後篇作移
郡縣書

祖君彥

自元氣肇改

一作
闕

厥初生人樹之帝王以為司牧是以

義農軒頊之后堯舜禹湯之君靡不祇畏上玄愛育黔

庶

一作
首

乾乾終日翼翼小心馭朽索以同危履薄

一作
春

冰而為

一作
是

懼故一物失所若納隍而愧之一夫有罪

遂下車而泣之謙德軫於責躬憂勞切於罪已普天之

下率土之濱蟠木距於流沙瀚海窮於丹穴莫不鼓腹

擊壤鑿井耕田致之昇平驅之仁壽所一作是以愛之若

父母敬之若神明固能享國多年祚延長久一作世未有

暴虐臨人克終天位者也隋氏徃因周末預奉綴衣狐

媚而圖聖寶胠篋而一作以取神器及纘戎一作承負展狼

虎其心始瞠明兩之暉終干少陽之位先皇大漸侍疾

禁中遂為梟獍便行鴆毒於是罪一作禍深於菑僕釁酷

於商臣天地之所不容神明之所嗟憤一作天地難容人神嗟憤加

以州吁安忍閼伯日尋後篇作尋戈劔閣所以懷凶晉陽於

焉起亂

一作所以興亂

甸人為罄

禮記作罄

淫刑斯逞夫九族既睦

唐帝聞其欽明百世本支文王表其光大况乃

一作復隳

壞磐石剝絕

後篇作滅

維城唇亡齒寒寧止虞虢欲其長久

其可得乎其罪一也禽獸之行在於聚麀人倫之禮

一作

體別於內外而蘭陵公主逼幸告終誰謂戮

音課首舜女弟名

首之賢翻見齊襄之耻逮於先皇嬪御並進銀環諸王

子女咸貯金屋北雞鳴於詰旦雄雉恣其于

一作羣飛相

服戲陳侯之朝穹廬同冒頓之寢爵賞之

後篇作不

出女謁

遽

一作遂

成公卿宣淫無復綱紀其罪二也平章百姓一

日萬幾未曉求衣晷晷忘

一作不

食是以大禹不重

一作貴

於尺璧光武無

一作不

隔於反支體此

一作是

憂勤深慮幽

枉而荒酒

後篇作腆

於

一作于

酒俾晝作夜或號或呼

一作式號且呼

酣

一作甘

嗜聲伎常居窟室每藉糟丘朝謁罕見其身羣

臣希覩其面斷決自爾

一作此

不行敷奏於焉

一作是

停壅

中山千日之酒

一作飲

酩酊無知

一作名

襄陽三雅之盃留

連詎比又廣召良家充選宮掖潛為九市親駕四驢自

比商人見邀

一作要

逆旅殷紂

一作辛

之譴為小漢靈之罪

更輕內外驚心遐邇失望其罪三也上棟下宇著于

一作

在易爻茅茨采椽陳諸史籍聖人本意唯避風雨詎待

珠玉之華寧須綈緜錦之麗故瓊宮

一作春室

崇構商辛以之

滅亡阿房崛起秦族以之

一作二世是以

傾覆而不遵古典不

念前車

一作章

廣立池臺多為

一作營

宮觀金鋪玉戶青瑣

丹墀蔽虧日月隔閼寒暑窮生人之筋力罄天下之資

財使鬼尚難為之勞人罔知其

一作

不可其罪四也公田

所藉

一作微

不過十畝人力所供才

一作通繞

止三日是以

輕徭薄賦不奪農時寧積於人不藏府庫

一作無藏於府

而課

一作科

稅繁猥不知紀極猛火屢燒漏卮難滿頭會箕歛

逆折十年之租杼軸其空日有萬

一作損

千金之用

一作費

父

母不保其赤子夫妻相棄於匡牀萬邦

一作戶

則城郭空

虛千室

一作里

則煙火斷絕

一作減

西蜀王孫之室翻同原

憲之貧東海糜竺之家俄成鄧通之鬼其罪五也古先

哲王卜征巡狩唐虞五載周則一紀本欲親問疾苦觀

省方俗乃復廣積薪芻多聚一作備饗餼年年歷覽處處

登臨從臣疲敝供頓辛苦而飄風凍雨聊竊比於前一作

先驅車轍馬蹤一作跡遂周行於天下秦皇之心未已周

穆之意難窮宴西母以一作而歌雲浮東海以一作而觀日

家苦納結之勤人阻來蘓之望且夫天子有道守在

外英華夷不亂華在德非險長城之固一作後戰國所為

乃是狙詐之風非關稽古之法而乃追踪秦代版築更

興廣營一作其基趾延袤萬里遂使屍骸遍一作野血流

成川一作河積怨比於丘山一作滿於山川號哭動於天地其罪

六也遼水之東朝鮮之地禹貢以為荒服周王棄而不

臣示以羈縻達其聲教苟欲愛人非求拓土又強弩末

夫不能一作理無穿於魯縞衝風餘力非敢一作詎能動於鴻毛

石田得而無堪雞肋食一作咬而何用而恃衆怙強一作力

窮一作強兵黷武務在吞併一作唯在併吞不思一作後篇長策夫兵

猶火也不戢則一作將自焚遂使億兆夷人隻輪莫返夫

差喪國實為黃池之盟苻堅滅身良由壽陽一作春之後

欲捕鳴蟬於前不知黃雀於後

一作挾
彈在後

復夫相顧璧弔

成

後篇
作連

行義夫切齒壯士扼腕其罪七也直言啓沃王

臣匪躬唯木從繩若金湏礪唐堯建鼓思聞獻替之言

夏禹懸鞞

一作
鞞

時聽箴規之美而乃復諫違卜妬

一作
虛

賢嫉能直士正人皆由屠戮

一作
害

左僕射齊國公高頴

上柱國宋國公賀若弼或文昌上相或細柳功臣暫吐

良藥之言翻加屬鏤之賜龍逢無罪遂

一作
更

遭夏癸之

誅王子何辜濫被商辛之戮遂令君子結舌賢人鉗

一作

緘口指白日而為一作比盛射蒼天而敢欺不悟國之將

亡不知死之將至其罪八也設官分職貴在銓衡察獄

問刑無聞賂一作販鬻而錢神起論銅臭為公梁冀受黃

金之蛇孟佗薦蒲萄之酒遂使彛倫攸斁政以賄成君

子在野小人在位積薪居上驗一作同汲黯之言囊錢不

如傷趙壹之賦其罪九也宣尼有言無信不立用命賞

祖義豈食言自獨夫一作主嗣位每歲行幸南北巡狩東

西征伐至於一作如浩疊陪蹕東都固守一作固閩鄉野戰

鴈門被

一作解

圍自外征伐

一作夫

不可勝紀既立功勲須

酬爵賞

一作官爵

而志懷翻覆言行浮詭臨危

一作危急

則勲賞

懸授克定則絲綸不行異商鞅之賚

一作頌

金同項王之

剋印芳餌之下必有懸魚惜其重賞求其

一作人

死力走

丸逆坂譬

一作匹

此非難凡百驍雄莫

一作誰

不讐忿至於

匹夫叢爾宿諾不虧况

一作既

在乘輿二三其德其罪十

也有一於此未或不亡况四維不張三空

三空見後漢陳蕃傳

萃

一作重揔萃

無小無大愚夫愚婦共識殷亡咸知夏滅罄

南山之竹書罪無窮決東海之波流惡難盡是以窮竒

災於上國楔瑜暴於中原三河縱封豕之貪四海被長

蛇之毒百姓殲亡殆無遺類十分之一作計才一作一

而已蒼生凜凜一作慄慄咸憂祀國之崩赤縣一作嗷嗷俱

愁歷陽之陷且國祚將改必有常期六百喪殷一作之

年三十終姬之數一作姬終之事故讖錄皆云隋氏三十六年

而滅此則厭德之象已彰代終之兆先見皇天無親唯

德是輔况乃欃槍竟天申繻謂之除舊歲星入井甘公

以為義興兼以朱雀門燒正陽日食狐鳴鬼哭川竭山

崩並是宗廟為丘墟之狀荆榛是庭旅之事

一作宗廟為墟之狀

荆榛旅庭之事

夏后氏

一作

則災釁非多殷人則咎徵更少牽牛

入漢方知大亂之期王良策馬始驗兵車之會今者順

人將革先天不違大誓孟津陳盟

一作命

景亳三千列國

八百諸侯不謀而同辭不召而自至轟轟隱隱如霆如

雷雕虎嘯而谷風生應龍驤而景雲起我魏公聰明文

一作神

武齊聖廣淵備七德而在躬包九有

一作功

而挺秀

一作

周太保魏國公之孫上柱國蒲山公之子家傳盛

德武王承季歷之基地啟元勲世祖嗣元皇

英華作
皇室

之

業篤生白水日角之相更

一作
便

彰載誕丹陵天表之文

斯著加以姓符圖讖

一作
緯

名協歌謠六合所以歸心三

靈於焉

一作
所以

改卜文王厄於羗里赤雀方來高祖隱於

礪山彤雲自起兵誅不道赤伏至自長安

後篇作
安平非

鋒銳

難當黃星

英華作
屋非

出于梁宋

英華作
苑非

九五龍飛之始大

人豹變之初歷試諸艱大敵彌勇上柱國司徒東郡公

翟讓功宣締構翼亮經綸伊尹之贊

一作佐

成湯蕭何之

奉

一作輔

高帝上柱國摠管齊國公孟讓柱國歷城公孟

暢柱國絳郡公裴行儼上大將軍左長史郇元真等並

運籌千里勇冠三軍擊劔則斬蛟截鰲

一作截蛟斷鰲

彎弧則

啼

一作吟

猿落鴈韓彭絳灌成沛公之基冠賈吳馮奉蕭

王之業復有蒙輪挾輶之士拔距投石之夫冀馬追風

吳戈照月

一作日

魏公屬當期運撫茲

後篇作極斯

億兆躬擐

甲冑跋涉山川櫛風沐雨豈辭勞倦遂興

一作起

西伯之

師將問南巢之罪百萬軍一作成旅四七為名呼吸則河

渭絕流叱咤則嵩華自拔以此攻城何城不克一作陷以

此擊陣何陣不摧譬猶決滄海而濯殘燹英華作滂舉崑崙

而壓小卵鼓行而西一作進百道俱進一作前以四一作今月

二十一日屈于東都而昏朝文武留守段達韋津等昆

吾惡稔飛廉奸佞尚一作久迷天數敢拒義師一作兵驅率

醜徒衆有十萬迴洛倉北遂來舉斧於是熊羆角逐貌

虎爭先因爾一作其倒戈之心乘我破竹之勢曾未旋踵

瓦解冰消坑卒則長平未多積甲則熊耳為小達等助

紂

一作紂

為虐嬰城自固梯衝亂舞徒設九拒之謀鼓角

潛將

一作

鳴空凭

一作憑

百樓之險鶯巢衛幕魚遊宋池殄

滅之期匪朝伊夕然興

後篇作迴

洛虎牢國家儲積我並

已先據為日久矣又

一作既

得迴洛復

一作又

取黎陽天下

倉廩

後篇作倉儲一作之倉

盡非隋有四方起

後篇作赴

義萬里如雲

足食足兵無前無敵裴光祿仁基雄才上略

一作將

受命

東

一作專

征遐邇攸憑安危是託乃識機知變遷虞

後篇作既

事夏袁謙擒於藍水張須陁獲在滎陽竇慶戰沒於睢

陽

一作淮南

郭絢授首於河北隋之亡歿

一作侯

斷可知也清

河公房彥藻近秉戎律畧地東南師之所臨風行電擊

安陸汝頰

一作南

則隨機蕩定淮安濟陽

英華作淮南濟北

則俄

然送款徐圓朗已平魯郡上柱國東平孟海公久

一作又

破齊陰於是海內英雄咸來嚮應封民瞻取平原之境

郝孝德據黎陽之倉李士才

一作雄

虎視於長平王德仁

鷹揚於上黨滑郡公李景考功郎中房孝基發自臨榆

一作 滄 劉興祖起於北一作朔崔白駒自一作在 頽川起房

方 一作 獻伯以譙郡來各擁數萬之兵俱期牧野之會滄

溟之右函谷之後篇東牛酒溢於軍前壺漿迎一作於

道左諸君等並衣冠華一作世 冑杞梓良材歆神靈澤一作

神鼎 靈澤 之秋裂地封侯之始豹變鵠起今正其時鼉鳴龜

應見機而作各宜鳩率子弟共建功名耿弇後篇之赴

光武蕭何一作宗 之奉高帝當以一作豈止 金章紫綬軒一作華

蓋朱輪富貴以重當年珪璋一作忠真 以傳奕葉豈不盛哉

若隋代官人同夫桀犬

一作同吠
堯之犬

尚荷王莽之恩仍懷

蒯賸之祿

英華
作詐

審配死於袁氏不如張郃歸曹范曾

漢書

作增困於項王未若陳平從漢魏公推以赤心當加好爵

擇木而處幸

一作
令

不自疑脫其猛虎猶與舟中敵國風

沙之民共縛其主彭寵之僕自殺其君高官上賞即以
相授如暗於成事守迷不返崑岡縱火玉石俱焚義等

噬臍悔將何及黃河帶礪明余旦旦之言皎日麗天知

我勤勤之志

一作
意

布告天下

一作
海內

咸使聞知

一作皆舊唐書李密傳

此篇六百八十三卷書門重今已削去

為李密檄竇建德文

房彥藻

公逸氣縱橫鷹揚河朔引蘭山之驍騎驅易水之壯士
跨躡燕齊牢籠趙魏好通戎夷聲振華夏昔隗囂之居
隴上非不險也項籍之據彭城非不強也然而援無所
恃躬違歷數遂使楚徒歔歔于垓下秦泥不封於函谷
故託身得地竇融保西河之功協契非人劉表喪漢南

之業魏公英雄電逝類晨風之拂北林率土星奔甚涓
流之赴東海今隋主拘囚於世克身制於朱燦白旗之
首已懸烏江之船未艤去月二十日總管兵馬會同黎
陽莫不投蓋蒙輪賈勇求敵遠懷歸義分討不庭公能
觀火鹿臺枉道垂報或以冀方猶梗願協力齊盟南臨
則黃河可清北指則幽雲自捲公之遠度宏規高勲茂
績必將俯盼伊呂吞併韓彭自餘碌碌復何足數絳灌
尚警干戈未戢想軍旅之事各有司存指蹤之勞無疲

於明鏡也內懷悃款形于翰墨情之所寄言不能適

為竇建德檄秦王文

孔德紹

建德師衆渡河與王世充相援船運軍糧沂河而上舳艫相繼首尾不絕水陸並進築城營壘于成臯之東見號三十餘萬陰令人與王世充相約乃遺秦王書

夏王敬問唐秦王彼朝發跡太原奄有關內鄭氏光啓
伊洛崇建宗社予則創基燕趙包舉山東鄭國何辜興
師致討深懷固存不憚濡足方今千乘雷動萬騎雲屯
投石拔距蒙輪擊劍統三燕之義勇驅六齊之雄傑制

勅敵如拾遺殄高墉若摧朽鄭都鞠旅誓衆雪讐我師
躍馬礪戈克蕩氛侵彼則外無救援內絕軍糧將聽楚
歌之聲方見峻陵之哭若能反鄭國之侵地守秦川之
舊邦更修前好不乖來請

為李密檄滎陽守郇王慶文 魏 徵

密既屯鞏洛東得黎陽河南郡縣莫不響應
惟滎陽不下王即隋之宗室故鄭疑密以一
城之地不足以動大兵
先命行人開陳禍福

早挹芳猷未諧披展甚為翹佇興寢增勞寒勢轉嚴比

得清吉及處危城無乃憂悴自猜

隋書作昏

狂嗣位多歷歲

年剝削黔黎

隋書作生民

塗毒

一作炭

天下瓊室瑤臺之麗未

極驕奢糟丘酒池之荒非為淫亂加以違忠臣之諫從

婦人之言殺戮忠良

一作多

科稅無已是以蝟毛而起豹

變其文共舉義旗同

隋書作戲

翦凶虐今者屯營鞏洛開發

大倉賑恤饑羸咸從充健吳戈電照隸首箕而無窮冀

馬雲屯弘羊計而難盡是以八方並湊

隋書作同德

萬里俱

來莫不期入關以亡秦爭渡河而滅紂東窮海岱南洎

江淮凡厥遺黎

隋書
作人

承風慕義唐公起兵黎

疑作
晉

陽兵

一作
軍

臨灞岸三秦父老千里犒師叶義同心共為犄角

元寶藏武陽興義即取黎陽燕趙之郊來蘇成詠唯榮

陽一郡仍

隋書
作王

獨守迷愛

疑

以宗盟尚疑銜壁敬陳鍼

藥冀愈膏肓夫微子紂之長

隋書
作元

兄親

隋書
作族

實為重項

伯籍之季父戚乃非踈然其

隋書
作猶

去朝歌而處周背西

楚而歸漢豈不眷戀宗祊留連骨肉但為識寶鼎之遷

隋書
作將

移知神器之先改河決不可壅樹顛不可維所謂

玄覽通人明鑒君子者矣而王之先代家住山東本姓

郭氏乃非楊族只

隋書
作止

為宿與隋朝頗

隋書
作先

有勲舊遂

得預沾磐石遂

隋書
作名

在葭草婁敬之與漢高殊非血胤

呂布之於董卓良異天親芝焚蕙歎事不同此又王之

昏主心若虎狼讎忿同胞乃甚

隋書作
有逾

沉闕惟勇及諒

咸罄

禮記
作罄

旬師魏文之毒任城漢武之鳩河獻假使宗

桃是一踈不間親况乃族類為非有何疑阻

隋書作何
能自保

王之為臣無所獻納不能曲突徙薪除煩去惑致令四

海鼎沸百姓亂麻高壘深溝自固而已藩屏之寄豈若

是乎欲免大責其可得也為王計者莫若舉城從義開

門送款識機知變足為美談乃至子孫長守富貴十六字隋

書作安若泰山高枕而卧長守富貴足為美談乃至子孫必有餘慶今王世充屢被摧破

偷存漏刻段達守東都窘迫自救無聊隋書作今王世充屢被摧感自

救無聊偷存畧刻詎能支久段達韋津東都自守何暇圖人世充朝亡彼隋書作達便夕

死又東都荒酣酒色六字隋書作江都荒酒流酒忘歸內外崩離

人情隋書作神怨憤上江米船皆被抄截士卒饑餒半菽不

充事切析骸義均煮弩舉烽火於驪山諸侯莫至浮膠

船於漢水還日未期近得朱粲啓詞銳師百萬以破襄

陽總帥熊羆沿流東下尅期指日定滅江都分項籍於

五侯切王莽於千段王獨守孤城援絕隋書作絕援千里餓

糧之計僅有月餘敝卒之多才隋書作纒盈數百何以隋書作何

有恃賴欲相抗拒飛隋書作求枯魚於市肆即事未遥因歸

鴈以運糧竟知何日然城中雄隋書作豪傑王之腹心思殺

長吏將為內應隋書作啓只恐禍生七首釁起隋書作發蕭牆枉

隋書作空以七尺之形隋書作軀徒隋書作懸償千金之購可為寒心

可為酸鼻者也今豹豹百萬馬首欲東惟待王世充破

了鼓行東邁梯衝亂舞鼓角潛鳴笑號叔之死馬疑作馬左

傳制巖邑也號叔死悲襄陽疑作城漢書襄城無噍類之噍類南陽

首疑作守齟封侯之事杳然東門逐獵臨刑之歎何晚深

相愛惜裂帛裁書韋可三思自求多福慶得書懼名父老計乃出降審

代徐敬業傳檄天下文 駱賓王

偽臨朝豺豕行武氏者集本文粹並作人非和順文粹作性

偽周武氏者

文粹作性

舊唐書
作溫潤

地實寒微昔充太宗下陳魯

唐書
作會

以更衣入侍

泊乎晚歲

諸書
作節

穢亂春宮密

文粹
作潛

隱先帝之私陰圖後

房

唐書
作庭

之嬖入門見嫉蛾眉不肯讓人掩袖

集作
袂

工讒

狐媚偏能惑主踐

集作
蹈

元后於翬翟陷

集作
致

吾君于聚

麀加以虺蜴為心豺狼成性近狎邪僻殘害忠良殺姊

集作
子

屠兄弑君醜母人神之所同

集作
共

嫉天地之所不

容猶復包藏禍心窺竊神器君之愛子幽之于

唐書
作於

別

宮賊之宗盟委之以重任嗚呼霍子孟之不作朱虛侯

之已亡燕啄皇孫知漢祚之將盡龍釐帝后識夏庭之

遽衰敬業皇唐舊臣公侯冢子奉先君之成業荷本朝

之舊

文粹
作厚

恩宋微子之興悲良有以也袁君山之流涕

豈徒然哉是用氣憤風雲志安社稷因天下之失望順

宇

集作
遂海

內之推心爰舉義旗誓

文粹
作以

清妖蠱南連百越

北盡三河鐵騎成羣玉軸

唐書
作軸

相接海陵紅粟倉儲之

積靡窮江浦黃旗匡復之功何遠邊

唐書
作班

聲動而北風

起劍氣衝而南斗平暗鳴則山岳崩頽叱咤則風雲變

色以茲

一作此

制敵何敵不摧以此圖功

集作以斯攻城

何功

一作

城

不克公等或居漢地或叶周親

唐書作或家傳漢爵或地叶周親

或

膺重寄於爪牙或受顧命於宣室言猶在耳忠豈忘心

一坏之土未乾六尺之孤安在

文粹作何託

儻能轉禍為福

送往事居共立勤王之功

文粹作畲

無廢舊

文粹作大

君之命凡

諸爵賞同指

唐書作裂

山河若其

集作或

眷戀窮城徘徊岐路

坐昧先幾之兆必貽後至之誅請看今日之域中復

文粹

作竟集

是誰家之天下移檄州郡咸使知聞

作合

為濮陽公檄劉稹文

集作書

李商隱

足下前以肺肝布諸簡素仰承復命猶事枝詞夫豈告
者之不忠抑乃聽之而未審擇福莫若重擇禍莫若輕
一去不迴者良時一失不復者機事噫嘻執事誰與為
謀延首北風心焉如灼是以再陳禍福用釋危疑言不
避煩理在易了丁寧懇款至于再三者誠以某與先太
師相國俱沐天光並為藩后昔云與國今則親隣而大
年不登同盟

英華作門望非

未至飯貝纔畢襜衣莫陳乃睽後

生遽乖先訓遷延朝命迷失臣職不思先轍

左傳作轍

之忠

將覆藥書之族此僕隸之所共惋

集作惜

兒女之所同悲

况某擁節臨戎援

集作拔

旗誓衆封疆甚邇音旨猶存忍

欲賣之以為己功間之以開戎役將祛未寤欲罷不能

願思苦口之言以定束身之計昔先太尉相公常蹈亂

邦不從逆命翻身歸國全家受封居韓之西為國之屏

棄代之際人情帖然太師相公

集作國

以早副軍牙久從

征旆事君之節已著居喪之禮又彰故乃

集作前

獎其象

賢仍以舊服納職貢賦十五餘年於我唐為忠臣於劉氏為孝子人之不幸天亦難忱纔加壯室之年奄有壞梁之歎主上深固義烈是降優恩蓋將顯足下之門為列藩之式不欲劉氏有自立之帥上黨為辜恩集作姑息之

軍俾之還朝以聽故

集作後

命其義甚著其恩莫偕昨者

祕不發喪已踰一月安而拒詔又歷數旬祕喪則於孝

子未聞拒詔則於忠臣已失失忠於國失孝於家望此用人由茲保族是亦坐薪言泰巢幕云安智士之所寒

心謀夫之所齟舌矧於僕者得不動心竊計足下之懷
執事之論當以趙氏傳子魏氏罷侯欲以逡巡希恩顧
望謀立耳夫事殊者趣異勢別者跡睽胡度其始而議
其終塞其華而尋其實願為足下一二而陳之趙魏二
侯於其先也親則父子於其人也職則副戎賞罰得以
相叅恩威得以相抗故朝廷推而與之今足下之於太
師也地則相近職非副戎賞罰未嘗相叅恩威未嘗相
抗稽喪則於義爽拒詔則於事乖此趙魏二侯信事殊

而勢別矣此施之於太師趙魏則為繼代象賢之美施
之於足下足下則為自立擅命之尤得失之間其理甚
白又計足下未必不恃太師之好賢下士重義輕財吳
國之錢往往而有梁園之客比比而來將倚以為墻藩
託以為羽翼使之謀取使以數求細而思之此又非計
山高則羝羊自至泉深則沉玉自來已立然後人歸身
正然後士附語有之曰政亂則勇者不為鬪德薄則賢
者不為謀故吳淠有奸而鄒陽去燕惠無德而樂生奔

晉寵大夫卒成分國之禍衛多君子孰救渡河之哉此
之前車得不深鏡代憲四祖文明繼興當時燕趙中山
淮陽齊魯連結者幾姓旅拒者幾侯咸逆天用人背惠
忘德據拍掌之地謂可逃刑倚親戚之私謂能取信一
旦地空家破首裂支分閭者不能為謀明者固以先去
悔而莫及末如之何先太尉與李洧尚書齊之密戚楊
太保與蘇肇給事蔡之懿親並據要地方州領精甲銳
卒及其王師戾集作
蒞非止我武惟揚則割地驅人以降送

款輸忠以入非不顧密戚非不念懿親非不思恩非不
懷惠直以逆順是逼死生實難能與其同休不能與其
共戚故也况足下大未侔齊蔡久未及李吳將以其人
動於不義僕固恐夙沙之國縛主之卒重生彭寵之家
不義之侯更出又計足下當恃太行九折之險部內數
州之饒兵士尚強倉儲且足謂得支久謀而使安危哉
此心自棄何速昔李抱真相國用彼州之人破朱滔於
燕國困田悅于魏郊連兵轉戰綿歲經時而潞人夫死

不敢哭子死不敢悲何者李相國奉討逆之命為勤王之師義著而誠順故也及盧從史釋喪就位賣降冀功將乘討伐之時欲肆克邪之性計未就而人神已怒事未立而兵衆已離以萬夫之長困一卒之手驅轡北闕棄屍南荒而潞之人猶老者捫胷少者扼腕謂朝廷不即顯戮深為失刑其故何哉以從史不義不暱去安就危衆黜其謀下不為用故也二帥去就非因傳聞鳩杖之人鮑背之叟知其本末尚能言之則太行之險固不

為勅

疑作悖

者之守數州之衆固不為邪者之徒此又其

不足恃也由此言之則何以敗名譽

六字集作則以何名

隳家聲

何事捨君命何道求死士何計得

集作固

人心此僕之所

以對案忘食推枕不寢為足下惜為足下危而不知其

所以然也况太師比者養牛添卒畜馬訓兵旁招武幹

之材中舉將軍之令然而經

集作聽

於遠近頗有是非雖

朝廷推赤心弘大度然而不逞者已有乖異

集作異圖

之說

橫議者屢興悖惡之歎人之多言亦可畏也誰為來者

宜其弭之今足下背季父引進之恩失天朝文誥之令
則是實先太師之浮議彰昭義軍之有謀為人姪則致
叔父於不忠為人孫則敗乃祖於無後亦何以對燕趙
之士見齊魯之人耶又計足下旬日之前造次為慮今
茲追改懼有後艱此左右者不明而咨詢之未盡也近
者李尚書祐董常侍重質之輩並親為賊將拒我官軍
納質於匪人効用於戎首久乃來復尚蒙殊恩皆受郡
符咸領旗鼓不能悉數厥徒實繁豈有足下藉兩代之

餘資弄

集作委

數萬之舊旅俛首聽命舉宗効誠則朝廷

又豈以一日之稽遲片辭之疑異而致足下於不測沮

足下於後至

集作圖

故事具存可以明驗幸請自求多福

無辱前人護龍旒以歸洛師秉象笏而朝魏闕必當勲

庸繼代富貴通身無為隣道所資使作他人之福儻尚

淹歸款未整來軒

集作棘

戎臣鼓勇以爭先天子赫斯而

降怒金玦一受牙璋四馳魏衛歷其東南晉趙出其西

北拔距投石者數逾萬計科頭擊手者動以千羣兼驅

挽虎之材官仍率射鵰之都督感義則日月能駐拗

憤則砂石可吞使兵用火焚城將

集作
魚

水灌魏趣邢郡

趙出洺州分二大都之間是古平原之地車甲盡輸於

此境糗糧反聚於他人恃河北而河北無儲倚山東而

山東不守以兩州之殘

集作
餓

殍抗百道之奇兵比累卵

而未危寄孤根於何所則老夫不佞亦有志焉願驅敢
死之徒以從諸侯之末下飛狐之口入天井之關巨浪
難防長飈易扇此際必當驚地底之鼓角駭樓上之梯

衝喪貝躋陵飛走之期既絕投戎

集作戈

散地灰釘之望

斯窮自然麾下平生盡忘舊愛帳中親信即起他謀辱

先祖之神靈為明時之哂

集作戮

笑靜言其漸良以驚

集作

兢魂今故再遣使車重申丹素惟鑒前代之成敗訪歷

集作用

事之賓寮思反道敗德之難念順令畏威之易時

以吉日蹈茲坦途勿餒劉氏之魂勿汙潞人之俗封帛

增款含毫益酸延望還章用以上表成敗之舉慎惟圖

之不宣河陽三城節度使王茂元頓首

文苑英華卷六百四十六

欽定四庫全書

文苑英華卷六百四十七

宋 李昉等 編

露布一

露布二卷英華所編
失年代先後今正之

兵部奏姚州破賊諾沒弄楊虔柳等露布一首

兵部奏姚州破賊設蒙儉等露布一首

為河南郡王武懿宗平冀州賊契丹等露布一首

為幽州長史薛楚玉破契丹露布一首

兵部奏姚州破逆賊諾沒弄楊虔柳露布

駱賓王

尚書兵部臣聞北辰

集作極

列象六合奉天子之尊南面

乘乾一統成聖人之業是知衣裳所會義有輯於殊隣

霜露所均誠兼育於異類故塗山萬國誅後至者防風

丹浦一戎緩

集作緩

前禽者就日然則陳

集作利

孤矢以威

天下法雷霆而

集作以

震域中四時行焉天道不能去殺

五兵備矣皇業所以勝殘雖事切救焚苟順時而濟物

恩深祝網不獲已而用兵伏惟皇帝陛下登翠媯以握

圖憲紫微而正象立功不宰混太始以凝神至道無名
佇華胥而得夢闡文教以清中夏崇武功以制九夷環
海十洲通波太液之水鄧林萬里交影甘泉之樹反衝
穿曾之域襲官帶以來王竒肱儋耳之酋奉正朔而請
吏逆賊蒙儉和舍等浮竹遺屑沉木餘苗邑殊禮樂

集作

義之鄉人習貪殘之性日者皇朝廣燭帝道遐融頗亦

削左衽而被朝衣解椎髻而昇華冕而豺狼有性梟獍
難馴遂敢亂我天常率九種

集作變九隆出後漢
乃衰宇夷之先也

而背

誕負其地險携七部以稽誅搔動

集作亂

邊疆寇

集作效

攘

州縣

集作郡

是用三門授律長驅無戰之師五月渡瀘深

入不毛之地去月二十一日軍次三肫崑崙鎮前後捕

得生口知守捉山羌傍山連結十部蠻首徒五萬衆此

山即南郡中之巨防也岡巒千里西通大荒之外

集作郊

谿谷萬重南極炎洲之境聳喬林而挿月陰兔

集作靈

有

假道之標拔崇巖以隱天陽烏無迴翼之地峰危束馬

路絕懸車賊據臨岱

集作代

之形乘建瓴之利

集作勢

徵風

召雨蝟起蜂飛驅雜種以挺妖

集作災

封狐千里肆沉黎

而作孽雄虺九頭臣以為制敵以權柔遠者理或存於德教伐叛以義決勝者不必在於干戈於是廣布朝恩

恭宣帝德申之以安撫曉之以存亡信重蠻陬無負黃

龍之約賞隆漢爵不踰白馬之盟地接冉

見司馬相如諭蜀文集作

周非駟詞屢殫於諭蜀俗通盤瓠聲不輟於吠堯臣遣左

三

集作二

軍子總管寧遠將軍前守右驍騎萬安府長史

折衝都尉上柱國劉會基率檢校果毅驍騎尉井陘縣

開國男劉玄暕等銜枚遠襲卷甲前驅偃危旆而設潛

兵疑從天落乘間道而掩不備似集作若出地中又遣右

三集作二軍子總管明威將軍行右集作左武衛翊府中郎

將上柱國高奴弗率左武衛天水府折衝都尉張仁樣

集作操等涉集作陟南山之南衝其要害之路又遣左一軍

子總管前右金吾衛翊府左郎將上柱國孫仁感率衛

尉府右集作左果毅都尉王文雅等陵北山之北絕其飛

走之途賊首領楊虔柳諾沒弄諾覽斯等振螳螂之力

拒轍當輪肆

集作
縱

蚊蚋之羣彌山滿谷劉會基高奴弗

孫仁感等並忠勤克著智略遠聞識明君之重恩輕生

有地提太阿之雄

集作
神

劍視死無時彎弧而克黨土崩

舉刃而妖徒瓦解雖危茗

見荀子英
華作帖危

沸鼎未窮梟首之

誅救死扶傷猶致析骸之請二十二日臣遣副總管兼

安撫副使定遠將軍前左驍騎翊府中郎將令狐智通

率右武衛良將壯府左果毅都尉韓惠德等擁貔豹之

雄順天機而右

集作
左

轉遣管內安撫副使朝議大夫使

持節守銀州刺史上柱國宜春縣開國李大志率前左

武衛靜初府右果毅都尉上柱國陳宏義等驅

集作

象

犀之卒乘地軸以右迴又遣行軍司馬朝散大夫守雋

州都督府長史上柱國梁待辟

集作

率守右金吾衛宜

昌府果毅都尉閻文成等總投石拔距之材蹈中權而

拊其背又遣前守右威衛隴西府果毅都尉康留買等

騰躍鐵斝金之騎犯前矛

集作

而扼其喉臣等率守左

衛清官府左果毅許懷秀等橫玉弩以高臨縱金鉦而

直進玄雲結陣影密西郊赤堇揮鋒氣衝南斗颺煙塵

集作
塵埃

而匝地白日為之晝昏積氛侵以稽天蒼冥為之

晦色兵交及接鳥散魚驚自卯及申追奔逐北斬首千

餘級轉戰三十里激流膏而為泉似變萇弘之血委亂

骸而擠壑若沉鼈令

集作若
泛鼈靈

之屍既而照盡高春雲昏

乙夜賊乃收集餘衆深

集作
保

據重巖臣度彼遊魂慮其

宵遁使三軍齊進四面合圍二十三日乘魚爛之危啓

蛇形之陣揚麾誓衆杖節訓兵一鼓先登賞必懸於芳

餌九攻失律罪無救於嚴誅五都

集作部

材雄三河俠少

或生居燕地尤工即墨之圍或家本秦人早習昆明之

戰叱咤則江山搖蕩慷慨則林壑飛騰舉鵬翼

集作力

以

揚威耀熊渠而賈勇澄氛廓禊回夏景以潰春冰滅跡

掃塵若霜風之卷秋擗戰踰百里時歷三期前後生擒

四千餘人斬首五千餘級諾沒弄楊虔柳等殞死

集作元

行陣懸首旌門蒙儉和舍等委衆奔馳脫身挺險雖復

刑以止殺丁壯咸伏於誅夷禮不重傷班白必存於寬

宥昔魏成伐

集作賦

蜀徒聞葑醬之竒漢使開邛纜通竹

杖之利豈若膺紫泥而弔伐指丹徼以臨戎一戰而孟

獲已擒再舉而哀牢授首斯顯皇威遠暢廟略遐宣奉

玄德

集作賦

以配天徒知帝力掩黃

集作皇

輿而闢

集作闢

地

豈曰臣功無任

集作不勝

慶快之誠

集作至

謹遣某奉露布以

聞軍資器械別簿條上

兵部奏姚州破賊設蒙儉等露布

駱賓王

臣聞七緯經天星墟分張翼之野八紘紀地炎洲限建
木之鄉西距大秦雜金莖而孕氣南通交阯枕銅柱以
為隣俗帶白狼人習貪殘之性河淪赤虺川多風雨之
妖水積炎氛山涵毒霧竹浮三節肇興外域之源木化
九隆頗為中國之患年將千祀代歷百王鄭純之化不
追孟獲之風逾扇故三年疲衆徒聞定笮英華作
鄭管非之譏
五月出師未息渡瀘之役然則大人拯物上聖乘期法
乾坤以握樞體剛柔而建極知仁義不能禁暴設刑網

以勝殘知揖讓不可濟時用干戈而靖亂伏惟皇帝陞

下神摛載玉

集作祥
螭載玉

出

集作
拓

地軸以登皇道契書

集作
寢

繩掩天紘而踐帝玄雲入戶纂靈慶集作瑞於丹陵蒼籙

集作
絲錯

昇壇薦禎圖於翠渚垂衣裳以朝萬國崇玉帛而

禮百神昭儉防奢露臺惜中人之產宣風布政明堂法

上帝之宮致羣生於太和登品物於仁壽四神踐雪五

老飛星君囿祥麟樂班文於先樂集作卉女牀鳴鳳韻歸

昌於帝梧四隩同文五風異色配林萬里纔䟽苑囿之

原

集作
基

層城九重未浚

集作
出

池隍之域合壁

集作
六合

照臨

之地

候月歸琛大鑪覆載之所

集作
間

占風納賫蠢茲夷

集作
蠻

豹敢亂天常橫赤標

集作
煙

以疏疆背朱提而設險

石林萬仞巖邑千重

集作
里

望秦阜以相傾峭陵失四塞

之阻對梁山而錯峙劔門成一篲之峰自謂絕壤幽

集作

選

荒中外足以迷聲教憑深負固江河

集作
山

可以逃靈

誅殊不知玉弩垂芒涵

集作
陶

水無九嬰之沴瑤階舞戚

洞庭有三苗之墟臣等謬以散材忝專分閭白招乘候

順秋官

集作帝

以揚旌絳節臨邊通夜郎而解辯自營開

雋穴旆轉邛山峻歧折坂之危盡亡衿帶滇池漏江之

固曾失藩籬惟逆賊設蒙儉等未革狼心仍懷豕突陸

梁放命旅拒偷安地

集作城

接祠雞竟無心

集作希

於改旦

山多神鹿終未息於擇音

英華作陰杜預注

臣以大帝宣威有

征無戰明王杖順先德後刑弘

集作如

聖澤於中孚緩天

誅于大造庶南薰解愠仰雲闕

集作闕

以翔魂東律和

集作

變音扣轅門而啓

集作頽

頽祝禽踈網徒開三面之恩毒

虺挺妖愈

集作
逾

肆九頭之暴乃鳩集餘衆蟻結兇徒儋

耳椎髻之渠千里霧合鑿齒雕題之孽一呼雲屯壘

集作

陵石菌以開營拒巖椒而峻壘崇巒切漢若登藏寶之

山絕壑憑霄似瞰封泥之谷去前月十七日連營布陣

據

集作
踞

險揚兵東西三十餘里馬步二十餘萬聚蚊蚋

而合

集作
成

響聲若雷霆縱蛇豕以為羣氣稽宇宙臣遣

中郎將令狐智通等擁拔山超海之師當其步陣遣銀

州刺史李大志等以

集作
驅

躍景騰雲之騎乘其馬軍遣

雋州都督府長史行軍司馬梁待璧

集作辟

等領勁卒二

千絕其飛走之路遣臨源府果毅馬仁靜等勒精兵九

百斷其潛伏之軍臣率行軍長史韓餘慶等負霜戈而

直指掃雲陣以長驅庶令斬馘七擒將士挾雷公之怒

伏屍百里蠻夷識天子之尊

集作威

於是三略訓兵五

申誓衆先登陷敵唯標

集作無遺

大樹之功後拒亂行必致

曲梁之罰楚人三戶蜀郡五丁氣擁玄雲精貫白日暗

鳴則乾坤搖蕩呼吸則海岳

集作林壑

沸騰列旗影以雲舒

似長虹之東指橫劍鋒而電轉疑大火之西流及接兵
交洞曾達臆自辰踰午魚爛土崩沸殘息于層峰更切
守陴之哭積圓顱於重阜殆成京觀之形集作封唯賊帥

夸干未悟傾巢之兆敢懷拒轍之心猶集作獨率馬軍平

川轉鬪驚塵亂起六合為之寢光殺氣相稽四溟為之

集作由是變色副總管李大志忠惟狗國義則忘軀臨危而

貞節愈集作逾明制敵而機謀集作神機獨遠丹誠自守雖九

死其如歸白刃交前豈三軍之可奪投袂則妖徒霧廓

舉旗而逆黨水摧

集作克
黨山崩

於是乘利追奔因機深入困

獸猶鬪似化

集作
戰

廩君之魂窮鳥尚飛如驚杜宇之魄

斬甲卒七千餘級獲裝馬五千餘疋僵屍蔽地

集作
野臨

赤坂而非遙流血洒途視丹微而不

集作
何以

遠首領和舍

等並計窮力屈面縛軍門寬其萬死之誅弘以再生之

路惟蒙儉脫身挺險委

集作
負

命窮山顧巢穴以

集作
而

靡

依延

集作
逃

晷漏其

集作
而

何幾况妖徒革面荒

集作
徽

外非

復他人部落離心舟中皆為敵國瞻言梟首指日可期

凡所歸降隨事招撫與之更始復其故業首丘懷戀疑

臨舊國之墟安堵知歸

集作識家

似入新豐之市

集作邑

然後

班師遯水振旅禺山建鴻業

集作勳

於武功暢玄猷於文

教庶荒陬襲中邦

集作原

之禮邊疆息外寇

集作戶

之虞華

人

一作封

祝堯兆皇基於千歲

集作載

夷歌頌漢美王澤於

三章宜與夫天帝前星廣賜秦公之冊坤元益地遙開

王母之圖蓋示有云魯何足紀斯並玄謀廣達

集作運

妙

略遐覃一戰

集作戎

而荒景肅清再鼓而邊隅底定豈臣

等提戈擐甲克全百勝之功杖節揚麾能通九變之策

謁藁街而獻捷

集作旅

大帝成規聞杖杜以勞還小臣何

力不勝慶快之至謹遣行軍司馬朝散大夫守雋州都

督府長史上柱國梁待壁

集作辟

奉露布以聞軍資器械

別簿錄上

為河南郡王武懿宗

集作為神兵道

平冀州賊契丹等露

布

按新唐書神功元年武懿宗為神兵大總管討契丹一本作為建安郡王武攸宜作

張說

大總管右金吾衛大將軍兼檢校洛州長史河內郡王
臣某前軍總管行左衛翊府中郎將上柱國定陽郡開
國公臣楊玄基行軍長史朝奉大夫守給事中護軍臣
唐奉一行軍司馬通議大夫行天官郎中臣鄭果等言
臣聞氛祲薄霄戎狄謀夏則武庫兵動中國有弧矢之
威文昌將飛邊城用金革之事蓋以式遏奸暴大庇黎
人震蠻蕩夷明罰耀武者也伏惟天策金輪聖神皇帝
陛下仁覆有截化被集作無外皇圖未臣之黨先帝集作

帝不庭之俗罔不依被聲教浸潤邕集作熙望雲向風

密邇遐裔而契丹克醜奴隸餘集作苗非冒集作頓之

雄族異單于之貴種徒以錯居遠郡漸化平時田牧混

於四眊貿遷通於三市集作戍人集作解甲邊馬垂轡

禽獸飽而忘恩蜂蠆養而恣集作毒敢孤亭育自絕生

成乃狼心干紀鴟誼竊發虐我邊吏覆我鎮軍大棘殘

於夷落孤竹淪于荒虛集作陛下震赫斯之怒授決勝

之符天地合謀鬼神助伐六狄舉國百蠻整衆運挽槍

而掃除從裂

集作列

缺而焚蕩臣飲冰受斧指日揚麾雖

謝河間之學竊慕任城之勇誓將首冒鋒刃躬先士卒

上假神兵之威下定鬼方之罪凶醜狂悖素無大志因

乘便利扇動姦回

集作邪

去歲嘗師疑一軍之盡化今春

輕敵見三帥之不歸蟻聚實繁豺牙益厲結山戎以四

集作西

寇連島夷而深

集作東

入臣乃廣開形勢大振軍聲

集作聲威

移告郡邑金湯固守傳檄諸軍犄角相應清邊道

大總管建安郡王攸宜杖鉞薊門作鎮幽

集作燕

國當要

害之地挫犬羊之羣高壘深溝卧舊

集作驚

營而不動山

蛇雲鳥陣死地而無疑總管沙吒忠義王伯禮安道買

等兵臨易水使接桑河犀渠衝將

集作壯

士之冠

集作髮

雕

騎落

集作識

將軍之戰

集作箭

四面當敵

集作寇

九拒乘城御

史大夫婁師德總管高再

集作丹

牟薛思行扞敵中山折

衝外侮訓厲鷹揚之士輯穆震驚之師其餘部散校分

集作部校分離

離綱

集作綱條

別緒兵車星布巡太行而綴碣石介

馬雲羅挾衡漳而連海浦山川積雨盡

集作共

消胡騎之

塵草木長風咸有王師之氣清邊士馬稍南驅而擁蹙
神兵甲卒漸北逐以威臨但合圍而持重未輕挑而即

戰重以藩臣默啜統率氈裘控弦逾於萬騎帶甲彌於

千里長驅松漠掩集

集作奪

柳城巢穴是空胎卵皆覆於

時賊衆兵馬屯逼幽州聞其塞外之敗懼有舟中之敵

勢力外窘心腹內乖建安郡王攸宜蓄銳淵渟乘機

電發援桴作氣則山岳動搖書箭一飛則首渠相滅兵

纔接及元克授首春喉蔽野京觀起於中州積甲成山

組練收於外府雖本根斯拔已蕩滌於一隅而餘蔓所

集作

滋尚聯延於數刻

集作

賊帥何阿小等頑凶是極

奢僧為資授其署置肆行驅

集作

掠幽陵之下不知首

惡之已擒兩河之間仍謂遊魂之可恃士女遭其逼脇

軍城

集作

被其屠陷以殺戮為事戶積虔劉之悲以劫

奪為心家盈剝割之痛鹿城縣令李懷璧衣冠貴胄令

長崇班背我朝恩歸城狄寇潛修甲仗輸以利器之資

見委兵權當其上將之任蠢茲狂亂暫

集作

同燎火言

事剪除方申沃雪

自阿小至沃雪以上倉曹劉慮詞慮作憲

臣乃盛兵邢趙

塞井陘之隘命虎賁之將遏其衝突之鋒長史唐奉一

馳使洛魏據阿曹之津縱羽林之雄挫其侵軼之勢臣

又遣將軍總管忠武將軍行左衛翊府中郎將上柱國

定陽郡開國公楊玄基押飛騎營中郎將李鐸子總管

雲麾將軍行玉鈐衛翊府中郎將康國公阿史那毗伽

子總管冠軍大將軍行左玉鈐衛翊府中郎將宋拔延

子總管冠軍大將軍行左金吾衛翊府郎將迴鶻

集作
統

果別勅行人雲麾將軍康戡誕子總管定遠將軍左威

衛長李當義壯武將軍何義本子總管忠武將軍何

集作

阿利深子總管壯武將軍俱羅惟淮宣威將軍行左王

鈐衛翊府郎將蘇達侯

一作侯

斤度施子總管定王府典

軍成善威子總管押飛騎定遠將軍平原府左果毅長

上穆仙童子總管劉尚珪子總管渭川府左果毅鹿思

讓押飛騎左王鈐衛隊正長上賈楚珪左鷹揚衛長上

花匡鼎押飛騎李言忠押飛騎沮忠揚鎮副張元敬押

飛騎康景休押飛騎左監門衛司戈實九臯別奏右武

威衛長上揚仁爽左武威衛長上揚裔原州崇岡鎮副

康戍

一作成

子右監門衛長上傳阿毛左監門衛長史殷

承範右衛長上王仁獎右衛執戟嚴弘琰右金吾衛羅

元讓潭州花石戍主蘇元暉前右武威衛長鄭嘉祥左

衛司戈鄭彥湊媯州威寧戍主崔思暕押步兵子總管

左玉鈐衛長上張中儼別奏首領蘇農婆羅三品子首

領宋義本別奏游擊將軍左玉鈐衛宿衛哥咄施注比

別奏鄭思疾左衛潞州府果毅員外置同正阿史皎子
總管王城府檢校果毅任弘誓別奏檢校虞候任處寂
別奏裴光嗣等徇其東北又遣子總管游擊將軍玉鈴
左司階伏羗縣開國男李弘顏子總管邢州司戶參軍
飛鳥縣開國男常元楷子總管原州廣牧領將軍元寂
子總管右武衛員外置同正武元禮子總管前潞州參
軍武其別勅行人張景扶州刺史舊鎮副崔敬一右武
衛中郎將阿史德奉職右鷹威衛將軍業恤啜刺俟斤

右豹韜衛柔遠府長史上果毅吐火羅決斯右金吾衛
果毅執失守直右鷹揚郎將員外置同正阿所那左玉
鈐衛長上借緋金元濟東天竺國王子僧伽杖摩右鷹
揚衛郎將僕固郡骨支左金吾衛郎將阿康地具右武
衛威郎將東河察使左豹韜衛高城府長上果毅阿史
德伏魔支右玉鈐衛郎將路驢駒左金吾衛長上阿史
德伏魔支右玉鈐衛郎將路欲谷游擊將軍葛羅枝延
游擊將軍契苾木昆折衝都尉車臯施俟斤虔州猶口

鎮副白善德晉州仁壽府果毅侯義威子總管左武威
衛侯神城府果毅杜玄隱押後隊長上張德峻天官常
選王暉常彥緯押千騎三交戍董玄景河州安喬戍主
王才龕別奏康玄寂押千騎隊楊待封前冀州堂陽縣
丞溫待禮別勅行人白君訥等略其西南或折衝其前
或乘躡其後整貔貅之佐奮猛毅集作勇猛之倫長戟林迴
高旗雲繞賊黨晷窮漏急命窄途殫執無全支心投必
死之計以今月一日何阿小等帥不悛之旅擁脇從之

衆結聚數萬抗拒官軍自寅及午前後九陣元基等並
鋒鏑爭先戈鋌遞躍抗足而跣鮮卑之血塗地攘臂而
扔人蒸切
因也烏丸之首積野推同冰陷裂若山焚窮其子

遺無復雉類斬獲逆賊冀州三品大總管何阿小逆賊
河北道招慰大使冀州刺史馬行感逆賊冀州道副大
總管楊奉節逆賊冀州長史王弘胤逆賊總管劉伏念
逆賊十二衛大將軍見任鹿城縣令李懷辟逆賊信都
縣令揚志寂總管胡六郎逆賊總管王知先逆賊帥馬

明誓逆賊三品總管姬目等魁首巨蠹三百餘人所有

戎羯憑陵殘毀之處臣皆宣布制旨撫集其人咸懷聖

恩俱得復業羣兇既定冀集作四方砥平二載逋誅一朝

泯滅數州然毒俄然集作爾清弭舞溢河冀歌達塞垣截

風浪以息滄溟廓氛埃而覩白日卻穀集作獻何力敢推

羣帥之勞叔向有言實在明君之德臣憑藉睿略忝當

戎政神機密運不待橫草之功天贊冥符恭承破竹之

勢伏惟集作瞻廟勝速奉朝歡抃躍之情倍萬恒品不勝

集作任

慶快之至謹追儉人天官常選李佑別奏左衛長上

校尉張德俊奉露布以聞其軍資器械別簿條上謹言

為幽州長史薛楚玉破契丹露布

玄宗

樊 衡

臣聞天地設險聖人則之士生懸弧其來尚矣故黃帝
涿鹿之戰重華三苗之役湯伐有扈文王克崇至于不
得已而用之其實一也伏惟開元神武皇帝陛下乘五
聖之資踞六合之大

一作盛

德光天下

一作光天之下

威振百蠻

四方無金革之事蓋亦久矣蠢茲克寇東胡餘孽日者
闕門未通隔在荒外自相殺戮君臣無序不能獨立交
臂屈膝求我國家以安之聖朝矜其輸誠且以護塞故
列於朝貢編於鴻臚故再冊名王累降重主魁渠豪酋
靡不霑渥自開復營州二十年內部落不聳安農牙商
金帛山積我國家之於惠貸亦深矣而野性易動狼心
不革中復背誕寇我柳城我是以有平盧之戰當為兵
少城孤不暇追北盡其巢穴殘凶游魂假氣絕徼自以

為黃河涇可以保天險懸塞沙漠可以逃靈誅陸梁窮
荒迷肆不復我王師遠略是以有黑山之討其突厥分
兵助為聲勢官軍既會萬弩齊發逆順不敵賢王失陣
契丹東龍鍾走林奔穴甌脫不守髦頭匿光可突干挾
馬浮河僅獲殘喘謂其困而知悟面縛請降而西連匈
奴東構渤海收合餘燼窺我阿降我是以有盧龍之
師當是時也四蕃雲屯十萬雨集動兵鼓噪聲聞百里
山川晝昏土木皆震勢欲朝驅降戶夕通河朔我行軍

七十乘天假威靈黜之破石斬單于之愛子燔契丹之積卒衆虜奔逃扶傷不暇於是從散約解雲卷霧消投戈棄甲莫敢迴視我降戶完然堅利而西蕃輜畜十遺半矣突厥乘喬驕兩蕃籍甚銳悍所向得志其來久矣昔漢高祖以三十萬衆猛將如雲謀臣若雨平城之下七日不食竟以計免頃萬歲通天中亦忿其不恭雷霆發怒驅熊羆之卒策貔虎之將以數十萬相繼而出沒之峽中隻輪不返卒使趙定陷沒河北塗炭數十年間

瘡痍不復所以敢輕犯官軍之衆者以往事之驕我國
家偏師不滿七千當十萬之寇綿險提寡揚桴而出勢
同解竹兵不留行於戲前事也如彼今捷也如此哉蓋
順人心因神怒察地利用天時威靈之所覆而逆順不
敵也然自黃龍舉烽無歲不戰驚駭我城柵度劉我亭
戍勞軼我師徒糜耗我廣輸實已四稔於茲矣若乘勝
不殄無以一戎所以戰士憤惋餘怒未洩將斬踏史作
頓以染鏑血頭曼以釁鼓彷徨北兵一作望煙塵而不

肯返旆者久之臣以為突厥銳而逃渤海懼勢未敢
出契丹大戰之後人馬俱羸其心不振又恃以荒遠必
無我虞而諸軍蓄銳久思奮發新聞破賊無不增氣若
驅而襲之可不血及而取也臣又與侍御史王審禮節
度副使烏知義及將士等僉議咸以為然議猶未決適
會勅令臣討逐臣已準勅書當日宣布三軍之士莫不
踴躍於是拔距蒙輪之伍響應投蓋超乘之卒景集節
度副使右羽林軍大將軍烏知義即令都護裴旻理兵

述職大閱于松林管內勇士萬人駮

一作駮

駒千里拔三

犬者得七十

一作十

足輕幟迅走之乘鷹揚貔虎之士左

羸糧右持械者日越七百里朝發薊門夕宿碣石者得

八千人勵以威神節以金鼓既而饒樂歸義王李詩衙

官可支刺史伊覓暉

一無此字

燭祿并里水扶餘者違未盧

東胡雜種君長之郡左射人右射馬翼迅霆轉沙振驛

角者二萬五千餘騎鐵甲霜野朱旗火天遂陵赤山下

寒谷絕泱漭橫大漠以四月二十三日夜銜枚渡黃河

質明頓夫松漠漠庭疾雷暴驚天落地動羣克狂顧周

章自失於三軍橫巨風偃電掃烏知義都統主

一作王

中

權裴旻領三千騎與宣慰計會發兵馬使內給事薊思

賢副使內寺伯李安達右領軍衛翊府郎將李良玉軍

前討擊副使大將軍鑰高等為先鋒中郎內供奉李先

壽領馬步五千與宣慰內供奉奚官局令王尚客內供

奉中郎李延光長上折衝史直臣右驍衛左郎將王抱

一經略軍副使左衛率府右郎將李永定咸寧府軍李

車蒙領馬步五千與宣慰使內謁者監劉玄向供奉長

上折衝康太和

一作利

供奉長上折衝白延宗長上果毅

高處謀永寧府果毅閻鼎臣副將布折等為右翼中郎

將裴債

疑

領馬步五千與攝副使內供奉左驍衛府郎

將鮑忠英樂府折衝李瓚等為後殿奚王李詩與內供

奉長上折衝歸州刺史韓仙松衙官段志忠等統其部

屬知虜掠北郡長上折衝兼儒州都督烏承恩與供奉

將軍恩盧廷賓平盧軍攝副使遂城縣折衝桓善珍經

略軍副使政和府果毅楊元亨軍前討擊副使果毅路
順清夷軍子將英樂府右果毅樊懷壁等四面雲合煙
塵俱起兩翼掩進前後夾攻數百里間沸聲若雷波駭
雲亂窮寇奪氣僵仆相藉弓不暇張戈不敢振雖蒙茸
奔穴町疇走險轡輜所暨盡為鯨鯢其餘孱幼匿車惕
喘穹帳烈火既焚與煙俱銷者不可勝數或遣奔迸逸
扼據峻嶺聚徒嘯侶擬欲鳴吠而左縈右拂咸在彀中
傷鳥惡弦舉弓皆落於是韜兵施甲俯伏請命俘虜蔽

於原野羊牛填於坑谷遺械如草流膏成川然後戮渠
魁斬封豕責元帥罪祐衆啓降二十五日收獲南驅二
十七日次於烏鶻都山前後大小三十一陣旗鼓所向
莫不奔潰野絕遺寇萬里肅清然後頓軍休士大閱俘
實約生級羊馬駝驢器械都獲三十餘萬口足頭數其
餘瀑潦奔注浮澗涉河揭厲未畢而中流汨沒不入見
數者十餘二三所斬丁將豪健暴骸相藉者亦三萬餘
級所焚藝車帳農具器械儲糧老小灰燬滅者不知

涯極於是推牛買酒散賞高會宣慰使內謁者監普心
寂與判官掖庭局監潘進忠別勅行人李如意等銜命
至便申慰諭三軍蹈舞呼聲動天將吏等令驅蠻夷而
襲虜庭因寇糧以贍軍用亦降奚所勤懇也伏惟勅俘
虜許戰士奚等內附賞餌因而用之且不踰時禮也羊
十六萬口牛四萬頭馬四萬疋車五十乘并生級除留
堪進九千人已上餘四萬衆悉降奚既以蠻夷出攻亦
以蠻夷入賞俘獲數廣行程不多自振旅而旋日役數

十以今月四日兵馬並平安到平盧蕃漢健兒惟六人
損一人死臣聞善戰不陣良將難之臣等不才承命出
師遠征勁虜二十三部落並不鈍鋒士馬完歸軍容益
振非陛下威神所覆則臣等碎首必然今幸覩洪勲不
勝慶快之至謹遣戰將攝副使行軍虞候總管檀州密
雲府果毅都尉賜紫金魚袋車仙憚奉露布以聞其所
獲首級器械別錄申上

文苑英華卷六百四十七